

ADNÎ DÎVÂNİ

k.1/1	Subh-dem 'urs-ı bahâr içre zemân pîre-zeni / Bezedi dürlü şükûfeyle 'arûs-ı çemeni
k.1/2	Gül-i ter yüzine pinhânî nazar kılmag için / Kasr-ı sîmînden açar revzene gör yâsemeni
k.1/3	Çeşm-i nerges zarar itmemeg-içün hatmi dakar / İdünüp gerdenine levh 'akîk-i Yemen'i
k.1/4	Gül-i ter nâhûn-ı hâr ile yüzün tırmaladı / Subh dem dişledi şebnem çü leb-i nestereni
k.1/5	Semen-i sîm-beden gül yüzini yumagıçun / Sebze-de nerges elinde dutar altun legeni
k.1/6	Kîse-yi gonceye mühr urdı anuñçun şeh-i gül / Ki zer ü la'lin ugurlamaya gülşen dikenî
k.1/7	Jâle düşdükde seher lâleye san dilberdür / Kim dakar zînet için gûşına dürr-i 'Aden'i
k.1/8	Çünki bahrî bigi yüzmek dilemez lâle niçün / Su kenarında durur başa sarup pîrehe-ni
k.1/9	Oluban bencileyin bâd-ı sabâ âşüfte / Dost kohusın alam diyü tolaşur semeni
k.1/10	Ol temaşâyâ nazar kılub okırdı gördüm / Sûzıla bu gazeli bülbül-i şîrîn-sühanı
k.1/11	Görmeyelden berü sen gül-ruh u gonce-dehe-ni / Dil ü cân bülbülinün dâr-ı hazendür vateni
k.1/12	Çün semen yüzüne öykündi sabâ ol deñlü / Çûb-ı ter urdı ki heb gülgül olubdur bedeni
k.1/13	Leb ü zülfün gamıla öleni zemzemle yuyub / Perde-yi Mekke'den itmek gerek aña kefeni
k.1/14	Çün lebünden şeker ugurladı şîrînlık anı / Asdılar düzd bigi boynına dakup reseni
k.1/15	Gonçe-veş çâk-ı kabâ itmişem ü yaşımı cûy / Görelî sen yüzi gül serv-i semen-pîrehe-ni
k.1/16	Dest-gîr olmuş iken 'âşık-ı üftâdelere / Pây-mâl itme ser-i zülf-i kecün gibi beni
k.1/17	Ki dil ü cânı gözün gâret idübdür nite kim / Düşmenün kalbini dehrün şeh-i leşker-şikenî
k.1/18	Âfitâb-ı felek-i 'izz ü meh-i devlet ü câh / Ki eyledi nûrıla rûşen bu zemîn ü zemeni
k.1/19	Hân Muhammed kim anuñ 'adli sehâbı nemile / Tâzedür sebzegeh-i şer'-i Resûl-i Medenî
k.1/20	Rezm rüstem idicek alsa ele tîr ü kemân / Ugradur sehm-i kazâ vü kadere Tehemten'i
k.1/21	Düşmene ger dokına sengi kemân mühresinün / Tob-veş yıkar eger burcısâ dahı bedeni
k.1/22	Terbiyet ger idesin peşşeye kuvvet buluban / Götüre mûr-sıfat zûrıla sad pîl-ten'i
k.1/23	Bid-i huşke ire lutfi nesimi yaşarub / Şecer-i nahl bigi bite hemândem pereni
k.1/24	Hüsrevâ çarh günâh itdi meger işigüne / Ki gelür gerdenine subhdan atub kefeni
k.1/25	'Adlün âvâzı zihî ki oldı revân tîr-sıfat / Dest-i meddün bükeli yâ bigi kadd-i fiteni
k.1/26	Düşmenün tıflını emzürdüğü dem dâye-yi dehr / Zehr-i mâr olur anuñ südi içinde lebeni
k.1/27	Hasmuñun farkına ger gürzün ire tîr bigi / Baş u ayagı belürmeye tola kan dehe-ni
k.1/28	Ger 'adû gurbe-sıfat pençe ura sen şîre / Ölmedin mûş bigi gûr içi ola vatânı
k.1/29	İtdüğü hükmile Hak sini Süleyman-hâtem / Bu ki râm ola senün emrüne dehr ehri-meni

12 Çün: çü Ö, semen: sabâ M1M2, yüzüne:yüzine M2.

14 Çün: çü Ö, lebünden: lebinden M2, şîrînlık: şîrînün Ö, bigi: gibi M3, diyü HK, dakub: takub Ö.

15 serv-i: serv ü M2.

16 kecün: keñün ÖHK, gibi: bigi M2HK.

17 Ki: ger M1M2, bu HK.

Âfitâb-ı felek-i 'izz ü meh-i devlet ü câh: Âfitâb ü felek ü 'izz ü meh ü devlet-hwâh Ö, felek-i: felek ü M3, 'izz ü: 'izz-i M3, meh-i: meh ü M1M2M3, nûrıla: mihri-le M1.

19 Bu beyit Ö'de yok, sebze-geh-i: sebze bigi HK.

22 idesin: ide bir M1M2M3ÖHK, peşşeye: şeyyihe ki M2, götür-e: getire M1M2Ö.

23 İre: ger ire HK, bigi:gibi HK, bite hemân-dem pereni: sor hem andan HK, pereni: سور M2, bedeni Ö, bedeli M3.

k.1/30 Ol Hudâ hakkıyıçun kim yogiken eyledi var / Âdem ü cinn ü melek 'arş u zemîn ü zemeni
 k.1/31 Bende 'Adnî'nün iy şeh dilegi bu niçe kim / Şem'-i ezhârıla zeyn ola zemîn encümeni
 k.1/32 Ehl-i diller çemen-i 'âlem içinde niçe kim / Kadd-i cânâneye teşbîh ideler nârveni
 k.1/33 Sûsenüñ tîgına karşı nice kim bagda gül / Sahn-ı pîrûze içinde duta la'lîn miceni
 k.1/34 Ebr-i nîsân nem-i bârânıla niçe kim ide / Gûşvâra sadefün gûşına dürr-i 'Aden'i
 k.1/35 Eyleyüb devletle 'ömrüñi pâyende hudâ / Saña bağışlaya ol iki güher sîm-teni
 g.1/1 Zülfüne beñzer gerü meşşât olmışdur sabâ / Kim ayagunğa dil ü cânlar yatur olub hebâ
 g.1/2 Göñlüñile çünki yapduñ bu dil-i vîrânımı / Muhkem olisar bu kez kim sengle urduñ bina
 g.1/3 Hâk-veş cânân yolında olmayan sabit-kadem / Yiridür ger bâd bigi deng ü ser-gerdân ola
 g.1/4 Yüzüñi ger şem'a teşbîh eyledümise günâh / Yak beni pervâne bigi bu günâhiçün oda
 g.1/5 Serv-kaddüñ-veş nigârâ olmayan yolunğa râst / Göreyin zülf-i kecün gibi yüzi olsun kara
 g.1/6 Ay diler kim gün yüzünden hüsn ugurlaya gice / Anuñıçun revzenünğden kasruña girer şehâ
 g.1/7 Hatt ü haddün hasretinden ger ölürse 'Adnî'nün / Sini üzre bitiserdür lâle-yi mihr-i giyâ
 g.2/1 Ey gözüm gün yüzine rûşen nazar kıl dâyimâ / Lîkin ol çeşm-i siyâhından hazer kıl dâyimâ
 g.2/2 Yile baş koşmış müselsel zülfine tolaşmagıl / Bu uzun sevdâdan ey göñlüm güzer kıl dâyimâ
 g.2/3 Yüzi şem'ine yakışmak dilesen pervâne-vâr / Ey dil-i bî-çâre terk-i bâl ü per kıl dâyimâ
 g.2/4 Ger yüzi 'aksin dilerseñ görmege ey cân gözi / Gülşen içinde güle rûşen nazar kıl dâyimâ
 g.2/5 Ey sanem saña nasîhat müdde'i mi itdi kim / Göñlüni 'aşıklarunğ zîr ü zeber kıl dâyimâ
 g.2/6 Çünki cânân 'ışkına sayd olduñ ey dil çâre ne / Cevrine sabr eylegil yâhûd sefer kıl dâyimâ
 g.2/7 'Adnîyâ ger râhat-ı dil diler iseñ dilberünğ / Gamzesi okına cânuñı siper kıl dâyimâ
 g.3/1 Göñlümü dîvâne itdi zülf-i pür-sevdâ-yı dost / Cânımı pervâne kıldı şem'-i bezm-ârâ- yı dost
 g.3/2 Yollar üstine düşüb her dem budur hâk olduğum / Ola kim nâ-geh irişe yüzüm üzre pây-ı dost
 g.3/3 Servden tâbût u gülden baña itsünler kefen / Öldüre çün şevk-i rûy u hasret-i bâlâ-yı dost
 g.3/4 Cân u dil çâh-ı zenahdânda kalurdi çekmese / 'Anberîn zencîr uzadub zülf-i müşg-âsâ-yı dost
 g.3/5 Kaddi gibi togruyıdı va'demiz lîkin sıdı / Turre-yi tarrâr bigi ebrû-yı kejrâ-yı dost
 g.3/6 Ber yirine 'ışk nârın virici bir servdür / Gülistân-ı hüsn içinde kâmet-i ra'nâ-yı dost
 g.3/7 İntizarunğ zahmına urmazsa vuslat merhemi / Öldüriser 'Adnî'yi şevk-i ruh-ı zîbâ-yı dost
 g.4/1 Mihrünle âhum ey meh-rû Süreyyâ'dan geçer / Eşk-i çeşmüm katresi mevc urdı deryâdan geçer
 g.4/2 Âh kim kılmadı cânâ göñlüne nâlem eser / Gerçi dirler âh-ı 'âşık seng-i hârâdan geçer
 g.4/3 Açılır cân gülşeninde gonce-yi şâdî ne dem / Kim lebünğ fikri dil-i pür-hûn-i şeydâdan geçer
 g.4/4 Nişter-ı gamzeñ niçün 'âşık kanın döker didüm / Didi kasdile maraz kim ola sevdâdan geçer
 g.4/5 Lâle-haddünğde 'arak gördükce cânâ dir göñül / Âb-ı güldür kim süzilüb sürh-ı vâlâdan geçer
 g.4/6 Geçdüğince âb-ı çeşmümden hayâl-i zülf-i dost / San neheng-ı nîl-gündur oynayub mâdan geçer
 g.4/7 Dilberâ ger hâk-ı pâyunğ gire 'Adnî destine / Cân u ya devrân nedür firdevs-i a'lâdan geçer
 g.5/1 Kaddünğ hırâmı tûbiye hayret virüp-dürür / Haddünğ gül-i cinâna hacâlet virüp- dürür
 g.5/2 Meh gün yüzünle da'vî-yi hüsn itse vechi yok / Çün hatt yazub 'izâruña hüccet virüp- dürür
 g.5/3 Güm kılssa cânı şehd lebünğden diler göñül / Şîrîn degül mi sanki emânet virüb-durur
 g.5/4 Dîvâne dil belâ-yı gamunğdan figân ider / Bilmez ki Tañrı aña ne ni'met virüb-durur
 g.5/5 Bir demde biñ ölüye hayât-ı ebed virür / Kevser lebünğ hak ne kerâmet virüb-durur
 g.5/6 Gam leşkeri ziyân ide mi çünki yâ kaşunğ / Gamzeñ okını cânâ 'alâmet virüp-durur
 g.5/7 'Adnî hadeng-i gamzesin añdukca cân virür / Allâh aña ne turfe mahabbet virüp-durur
 g.6/1 Her seher dilden bu remzi bülbül-i gûyâ geçer / Câm-ı mey nûş eyle kim devr-i gül-i hamra
 geçer
 g.6/2 İtdüğince yüzünğ ayına nazar göñlüm bigi / Kendüden bî-hûş olub mihr-i cihân-ârâ geçer
 g.6/3 Kirpigüm üstinde yaşum sâhil-i çeşmümden san / Merdüm-i mellâhdur kim sâl idüb deryâ geçer
 g.6/4 Öykünelden gün yüzine hacletinden her gice / Şehr-i cânândan kamer ugru bigi tenhâ geçer

g.6/5	Yüzi tâbindan-durur bîmâr olduğu gözi / Lâ-cerem çok yatsa günde merdûme germâ geçer
g.6/6	Gamzeñ okın cana urduñ eyle mi kanı dile / Sizünile biz kaluruz bu dahı câna geçer
g.6/7	Nazm u nesre 'Adni'ya meşgul olursañ n'ola kim / Ehl-i 'irfan devri eş'ârla inşâ geçer
g.7/1	Kanda kim yüz nazıla bir dil-rübâ cânân kopar / Çevre yanından hezârân nâle ü efgân kopar
g.7/2	Yâd idüb âh itdügümce zülf-i 'anber-bâruñ / Dûd-ı âhumdan hevâda ebr-ı müşg-efşân kopar
g.7/3	Milk-i dil sahrâlarında derdünile âh kim / Leşker-i gam ayagından gerd-i bî-pâyân kopar
g.7/4	Zülfünğ gelse hayâli çeşmüme âh eylerem / Lâ-cerem deryâ kararur ilk bâd andan kopar
g.7/5	Ka'be-yi kûyuñda âh itdükce yaşlar dökdüğüm / Tañ degül bâd esdügince kıbleden bârân kopar
g.7/6	Zülf-i kâfir-kîşi sevdâsıyla cân virmeyen / Rûz-ı mahşerde yüzi kara vü bî-îmân kopar
g.7/7	Gülşeninde yüzünğ yaşuñ bitürdi hattını / 'Adniyâ bârân çoğ olsa sebze-yi bostân kopar
g.8/1	Nâzûklığı güle ruh-ı zîbâsı öğredür / Serde salınmağı kadd-ı bâlâsı öğredür
g.8/2	Bir serv-i lâle-'arız u gül-çihredür ki anuñ / Şûrîdelığı bülbüle şeydâsı öğredür
g.8/3	Sordukca sırr-ı cânı lebinden dehân tutar / Ol dilbere bu şiveyi lâlâsı öğredür
g.8/4	Dil-i hasteyem bu gün ki kıyâmet eserlerin / Cevrile câna va'de-yi ferdâsı öğredür
g.8/5	Bahr-ı muhît 'ışkuñla mevc urmağı / Bu kanlu gözümünğ yaşı deryâsı öğredür
g.8/6	Câdû gözi egerçi ki üstâd-ı fitnedür / Zülfine sihri ebrû-yı kejrâsı öğredür
g.8/7	Vasfıyla dürr dişüñi eya mihr-i mâh-rû / Pervîne nazmı 'Adni'nünğ inşâsı öğredür
g.9/1	Seher yüzine habibünğ çü zülf-i şâm irişür / Şikâr-ı mürğ-ı diliçün hezâr dâm irişür
g.9/2	'Aceb mi tâze vü ter olsa zülf-i müşğînünğ / 'Îzârünğ âbına çün-kim 'ale'd-devâm irişür
g.9/3	Müdâm göreyin ey cân ciger kanın içsün / Ki saht-rû oluban leblerünge cân irişür
g.9/4	Hevân odında vücûdum türâb olısdur / Revân olub çü gözünğden dile sihâm irişür
g.9/5	Serây-ı sînede çün kim gamuñ ola mihmân / Hezâr şevkle cân u gönüle kâm irişür
g.9/6	Benümle hem-kader olma rakîb eyle hazer / Vegerne bil ki saña aņsızın kazâm irişür
g.9/7	Kaşuñ kemânına kurbân olursa 'Adnî ne tañ / Çü gamzeñ okı aņun bagrına müdâm irişür
g.10/1	Şekerünğ zehresini şehd-i lebünğ çâk eyler / Kamerünğ çihresini mihr-i ruhuñ hâk eyler
g.10/2	Virmege lâlık olam diyü nişânın lebünğünğ / Dehenin gonce gül-âbile seher pâk eyler
g.10/3	Cüst ü cûy-i kadd-i servünğle yaşum çâbükdür / Râstı çok hareket merdümü çâlâk eyler
g.10/4	Zülfünğ ef'îsi dil ü câna ne gam ger ura nîş / Ki lebünğ nûşı anuñ zehrini tiryâk eyler
g.10/5	Degme 'âkil ne bilür gün yüzi mâhiyyetini / Tal'at-ı Leyli'yi Mecnûn olan idrâk eyler
g.10/6	Gözlerüm cûy kenârında kıl ey serv karâr / Nazar-ı âb-ı revân cânı ferah-nâk eyler
g.10/7	Ay yüzünğ şevkine ser-geşte olan zerre-misâl / Kendüzin gün gibi tâc-ı ser-ı eflâk eyler
g.10/8	Leb ü haddünğ gamıla lâle ü gül 'Adnî gibi / Başına hâk koyub yakasını hâk eyler
g.11/1	Ol serv-i lâle-çihre ki gonce- dehen durur / Bir mâh-ı mihr-i tal'at ü nesrîn-beden durur
g.11/2	Nergis gözi helâk ideli lâleyi aña / Sordugı dâg-ı derdle hûnîn kefen durur
g.11/3	Gülzâr-ı hüsn içinde boyuñ mîve yirine / Virici 'ışk nârını bir nârven durur
g.11/4	Zülf-i benefşeñe bugün ey mâh-ı serv-kadd / Bâlîn gülile lâle ü pister semen durur
g.11/5	Bir hûr-ı dil-rübâyı yine 'Adnî sevdi kim / Hukı Hüseyin-i cân bigi hüsnî Hasen durur
g.12/1	Kaçan ki gün gibi ol serv-ı sîm-ber görünür / Sanavber üzre çıkub sanasın kamer görünür
g.12/2	Didüm mu'abbire zülfini düşde gördüğümü / Didi yakında saña bir uzun sefer görünür
g.12/3	Miyânı râzına heyhât irişmedüm kılca / Ne deñlü dikkat idem nesne yok kemer görünür
g.12/4	Müneccim işbu göz ü kaşı gün yüzünğde görüb / Bu ay başında didi halka fitneler görünür
g.12/5	Ne yüzden itdi gözünğ sihri zülfünge ta'lîm / Ki cânlar almagçün mâr-ı heft-ser görünür
g.12/6	Rakîb özin görüben yârıla arama girür / Bu hayra irmeyesinünğ gözlerine şerr görünür
g.12/7	Göyindi derdle pervâne-vâr dil-i 'Adnî / Egerçi şem' bigi zâhirâ güler görünür
g.13/1	Zâhir oldukca yüzünğ mihrinden ey meh nûrlar / Tagılur zülfünğ bigi ol dem şeb-i deycûrlar
g.13/2	La'l-i dür-bâruñ gamıyla çeşm-i giryânım bigi / İy yüzi gül gark-ı hûndur gonca-yi mestûrlar

g.13/3	La'lüğe meyl itdügüm mestâne gözlerün görüp / Mey yirine kanum içmek diler ol mahmûrlar
g.13/4	Cân nice ola halâs ol ârdan kim zülfinün / Bir kılında asıludur yüz biñ dil-i Mansûrlar
g.13/5	Gün yüzün devrinde zülfün ebr-i meh-pûş olalı / Rûz u şeb çeşmüm zemîne akıdur yağmurlar
g.13/6	Hatt u haddinde tolaşur zülfine geh zülf aña / Mârla gör kim ne ceng ider gül üzre mûrlar
g.13/7	Sözlerün gevherlerin guş itmegiçün 'Adniyâ / Gülistân-ı cennet içre cân virürler hûrlar
g.14/1	Ol serv-i mâh-çihre ki gülden yañağı var / Cân u göñülde lâleleyin mühri dâğı var
g.14/2	Dil mürgi hâli dânesi şayındadur velî / Bilmez anı ki zülf-i siyâhında ağı var
g.14/3	Bezm-i gamuñda kanlu gözüm dil kebâb idüb / Nûş eylemege şarâbıla tolu kabagı var
g.14/4	Beñzetme mihr ü mâhı felekde cemâline / Nâ-gâh kimse işide yirün kulagı var
g.14/5	Zülfün ruhuñla her gice şehrinde hüsnüñün / San pâsbân durur kim elinde çerâğı var
g.14/6	Bâg-ı ruhını mürğ-ı seherden sakınmaga / Zülfinden asılı(aslu) serv boyı üzre zâğı var
g.14/7	'Adnî gerekse derdine sabr it gerekse öl / Cânânenün dirîğ ki senden ferâğı var
g.15/1	Ol ham-ı zülf-i siyeh kim ruh-ı cânânda yatur / Mârdur halka olub sahn-ı gülistânda yatur
g.15/2	Bir nazar kıldı meger gayre gözüm merdümü kim / Gamzesi pâreledi gark oluban kanda yatur
g.15/3	Zülf-i sevdâsıyla dil eñegi çâhında anuñ / Sanki dîvâne durur bendle zindânda yatur
g.15/4	Niçün kaçâ göñül şehr-i şeh-i şâdîden / Ki konup leşker-i gam nâhiye-yi cânda yatur
g.15/5	Aglasam haste yatup gün yüzine karşı ne tañ / Depreşür nezlesi ol kim meh-i tâbânda yatur
g.15/6	Nite hâlî ola Ya'kûb-ı dil aglamakdan / Ki dahı Yusûf-ı cân çâh-ı zenahdânda yatur
g.15/7	Zülfî çevgânına gûy ola diyü 'Adnî gibi / Niçeler top idüben başını meydânda yatur
g.16/1	Dil mürgin ol ki dâm-ı belâya nihân salar / Cân hırmenine âteş-ı 'ışkı 'ıyân salar
g.16/2	Göyündi mihr-i tâbına dil ol mehün 'aceb / Başuma serv-kâmeti sâye kaçan salar
g.16/3	Yâ Rab gözüm yaşı bigi ben bî-sitâreyi / Niçün nazardan ol meh-i nâ-mihr-bân salar
g.16/4	Rahmet nesîmi kûyına kim tozu kühlîni / Her dem 'ilâc için gözüme râyegân salar
g.16/5	Ser-sebz ola diyü boyuñun servinün gözüm / Her lahza pâyına suyuñun bâgbân salar
g.16/6	Öykündügince boyuñâ gülşende nârven / Hışm idüp aña başını serv-i revân salar
g.16/7	'İşkın havâle kılduğı ol hur 'Adnî'ye / Sayyâddur ki mürğ-i zebûna toğan salar
g.17/1	Güler yüzüğe anlar kim gül-i bâg-i cinân dirler / Gözümün yaşına cûy u kaddüğe serv-i revân
dirler	
g.17/2	Gözümle göñlümün çok mâcerâsı vardır evvelden / Lebünçün âh kim şimdi arada oldı kan dirler
g.17/3	Etibbâdan su'âl itdükce 'ışkuñ derdine dermân / Cevâbında ciger kanını içüb yörü yan dirler
g.17/4	Dilâ hûn-ı cigerden zad idin zülfî ise 'azmün / Ki gâyet müşkil uzundur reh-i Hindû-sitan dirler
g.17/5	Nazar kıldukca yüzün ayına rûşen olur çeşmüm / Egerçi kim güne bakmak göze eyler ziyân
dirler	
g.17/6	Göñül iki cihânun varlığın bir yârıçun vir kim / Kişi olana evvel cân gerek andan cihân dirler
g.17/7	Görenler 'Adnî'yi dil-haste işigünde yatur iken / Saña yaşlar gam-ı 'ışkuñla virdi şimdi cân dirler
g.18/1	Ol hatt-ı gâliye-sâ kim ruh-ı cânânda biter / Çemen-i bâg-ı İrem'dür ki gülistânda biter
g.18/2	Düşdügi yirde boyuñ sâyesi ey gülşen-i nâz / Nârven zâhir olur serv-i hırâmânda biter
g.18/3	Yolına öldüğüme minneti yok dilberümün / Tıfıldur eyle sanur cânı ki bostânda biter
g.18/4	Salsa çâh-ı zekana dil lebin ısırduğıçun / Gam degül kim niçe kan işleri zindânda biter
g.18/5	Ne 'aceb olmasa sînemde hayâli ruhınun / Gül-i hod-rûy kaçan âteş-i sûzânda biter
g.18/6	'Adnî itdügince miyânına nazar-ı dikkatle / Mûy men' itmegiçün dîde-yi giryânda biter

6. hatt u: hattı M1M2M3.

1. mâh: lâle M2HK, dâğı:tâğı HK.

2. siyâhında: siyâhından M1Ü.

3. gamuñdan: gamında M2M3, eylemege: itmege M1M2M3Ü, tolu şarâb ü: şarâbla tolu M1Ü.

4. Mihr ü mâhı: mâhtâbı HK, kimse : kimesne M3HK.

g.18/7 Leb-i cân-perver-i dildârda hatt-ı siyehi / Sebze-yi Hızr durur çeşme-yi hayvânda biter
 g.19/1 Ol dil ki cevri-yârla zevk ü safâ sürer / Çok yaşasun ki devrini hoş muntelhâ sürer
 g.19/2 Mât itdi mâh-ı çâr-dehi mihrlle ruhı / Gerçi henüz on ikisin ol dilrübâ sürer
 g.19/3 Âhum yüzinden açmadı zülfi hicâbın âh / Günden sehâbı gerçi dirler hevâ sürer
 g.19/4 Dil oldu müşteri yine ol mâh-rûya kim / Her dem yüzün ayagina Şems'üz-zuhâ sürer
 g.19/5 'Anber saçuna öyküneli müşgi gezdürüb / Bâzâr içinde yüzine 'âlem kara sürer
 g.19/6 Sultân-ı dehr olan kuru gavga çeker hemîn / 'Âlem içinde 'ömri safâsın gedâ sürer
 g.19/7 'Adni melûl olma ki agyârı it bigi / Bir gün yanından ol sanem-i meh-likâ sürer
 g.20/1 Terahhum it dile cânâ ki bî-karârındur / Esîr-ı silsile-yi zülf-i müşg-bârındur
 g.20/2 Müdâm gönlümi mey-gûn lebün hayâliyle / Harâb ü mest kılan çeşm-i pür-humârındur
 g.20/3 Göñül ugurlığına mâh-tâba karşı gelen / Siyâh câme geyüb hâl-i müşg-bârındur
 g.20/4 Nihâl-i tûbâ vü kevser didükleri bilürem / Bülend kaddünle la'l-i âbdârındur
 g.20/5 Meh-i melâhat ü necm-i sipihr-i hüsn ü kemâl / Cihân içinde bugün haddün ü 'izârındur
 g.20/6 Gerek vefâ vü gerek cevri cefâ kılsın / Şikayet itme göñül ihtiyâr yârındur
 g.20/7 Safâ ile gam-ı şâdî-fezâsın ey 'Adnî / Göñülde cân bigi sakla ki yog u varındur
 g.21/1 Kemend-i zülf-i ki cân boynına selâsildür / Belâ-yı akl-ı perişân ü âfet-i dildür
 g.21/2 Hevâsı gitmeye asânlıgıla göñlümünden / Kişie terk-i vatan şek degül ki müşkildür
 g.21/3 Gözüm yaşı ser-ı kûyunda hâk olub sürinür / Terahhumun yiridür kim yetîm ü sâyildür
 g.21/4 Bülend kâmetüne râstı budur iremez / Egerçi serv-i sehî-kadd cevân u kâbildür
 g.21/5 Miyân-ı nâzûkine mû didüm tebessüm idüb / Didi ki ehl-i nazar işbu kîle kâyildür
 g.21/6 Hezâr cânla zencîr-i zülfünî göricek / Cünûna meyl kılur her ne dil ki 'âkildür
 g.21/7 Güneş yüzüne nazar mâh zerre idüğine / Fürûg-ı şem'-i ruhuñ azherü'd-delâyildür
 g.21/8 Görinmese ne 'aceb gün yağanı zülfinden / Mehün müşâhedesine sehâb hâyildür
 g.21/9 Huzur kalmadı 'Adnî'nün eşk-i çeşminden / Ne çâre eyleye çünkim belâ-yı nâzildür
 g.22/1 Serv-i sehî egerçi ki pür-itidâl olur / Tûbâ boyun nihâline kaçan misâl olur
 g.22/2 Meh gün yüzüne bedr oluban gördi benzemez / Kaşuna öykünem diyü lâ-büdd hilâl olur
 g.22/3 Zülf-i dü-tânı başunçün tap sal ayaga / Kim bir kılında biñ dil ü cân pâ-y-mâl olur
 g.22/4 Hâl-i lebün yüzünde görelden inanmışuz / Kim cennet içre sâkî-i kevser Bilâl olur
 g.22/5 Devr-i ruhuñda zülfüne kılta nazar hakîm / Mümkün m'idi ki diye teselsül muhâl olur
 g.22/6 Her katre hâl kim kalem-i sun'dan tamar / Levh-i ruhuñda nokta-yı cîm-i cemâl olur
 g.22/7 Gül yağanına lâleyi beşzetme 'Adniyâ / İtme bu işi kim sebeb-i infi'âl olur
 g.23/1 Bu gonçe-yi nev bir gül-i hândân olacakdur / Dil bülbülü şevkiyle nâlân olacakdur
 g.23/2 Şol vechle kim nâza ider şimdiden âgâz / Küfri saçınun âfet-i îmân olacakdur
 g.23/3 Ol dogdugı dem çarh-ı melâhatde didüm kim / Yılduzlar içinde meh-i tâbân olacakdur
 g.23/4 Âb-ı deheni katresi her kanda tamarsa / Lutfıyla nebât anda kamu cân olacakdur
 g.23/5 Gonçe dehen yâra kaçan ide teşebbüh / Bu hiç degül yok yire bühtân olacakdur
 g.23/6 Dil bildi ocagina gözüm koydugını su / Agladugum oldur arada kan olacakdur
 g.23/7 Çün düşdi muhabbet iline yakası cânun / Ma'mûre-yi dil âh ki vîrân olacakdur
 g.23/8 Ey men' kılan 'Adnî'yi ol hûr-ı cinândan / 'Aklun nereye gitdi bu kaçan olacakdur
 g.24/1 Çün nûr-ı tal'atun sanemâ âşikâr olur / Hurşîd ü meh zevâle düşüb şerm-sâr olur
 g.24/2 Ejder dirilse zülfi 'izârında vechi var / Kim su içinde yatmagla mûy mâr olur
 g.24/3 Hüsnün güli 'arûsı bezeñdükce nâzla / Gün şîşe-yi gül-âb ü meh âyîne-dâr olur
 g.24/4 Hâlün ruhuñda yandı yüz uralı zülfüne / Lâ-büdd salîbe secde kılan ehl-i nâr olur
 g.24/5 Şeb-reng hattı bitmese haddinde tañ degül / Kim bâg-ı cennet içre şeb olmaz nehâr olur
 g.24/6 Görüb kenâre geldüğü gözüm yaşın bu kim / Bilür makam-ı serv leb-ı cûy-bâr olur
 g.24/7 Cân virmegile vaslına irmek murâdsa / Olmaz tasavvur eyleme 'Adni ne vâr olur

g.25/1 Hecrle öğrendi göñlüm vasl-i cânândan kaçır / Derdinün zevkin bilen elbette dermândan kaçır
 g.25/2 Tîr-i gamzeñ zahmına dilden nice cân virmeyem / Kimse mi vardur cihânda lutf u ihsândan kaçır
 g.25/3 Öldüriser yaşıña rahm eyleyüb cânân seni / Çün cevândur ey göñül gam yime kim kandan kaçır
 g.25/4 Gün yüzünle meh mukâbil olmayub tolanduğı / Bu ki maglûb olsa hasm elbette meydândan kaçır
 g.25/5 Ger nihân ola hayâlün merdüminden çeşmümün / Tañ degül bu kim perî vahşîdür insândan kaçır
 g.25/6 Zülfi hattıyla ne yüzden oldı yâ Rab hem-nişîn / Resmidür hod 'akrebün dirler ki reyhândan kaçır
 g.25/7 Dilberün yolında 'Adnî öldüğü her dem bu kim / Cân dirîğ ider diyeler diyü bühtândan kaçır
 g.26/1 Çün şanavber kâmetün yâdına dil sahbâ çeker / Serv-i şâdî gülşen-i canda bitüb bâlâ çeker
 g.26/2 Bâgbân-ı hüsn yüzi gülşenin suvarmaga / Zülfi zincîrile çâh-ı zenahdân mâ çeker
 g.26/3 Haste göñlüm ol mehün bir gün görelden yüzini / Yıllar olmışdur ki dahı 'illet-i sevdâ çeker
 g.26/4 Hüsn milkini musahhar kılmagıçün hükmüne / Hûblık menşûrına reyhân hattı tugra çeker
 g.26/5 İşiginde zülfini yirden yukarı çekdüğü / San melekdür kim zemînden göge ejderhâ çeker
 g.26/6 'Âlemün zevk ü safâsını gedâ sürer hemîn / Pâdişâh-ı dehr olan ancak kuru gavga çeker
 g.26/7 Yine bir meh-rû kamer-ruhsârı 'Adnî sevdi kim / Hâk-ı pâyin sürme diyü gözine havrâ çeker
 g.27/1 Dili zülfünde bulan bendle dîvâne sanur / Cânı yüzünde gören şem'le pervâne sanur
 g.27/2 Dilde habs itdügüme gamzesi tîgin gücenür / Câna zahm urdıcagı hoşca mıdır ya ne sanur
 g.27/3 Zülfi agına göñül mürğı tutulsa ne 'aceb / Çün gören hâl-ı siyâhını anuñ dâne sanur
 g.27/4 'İşk-ı cânânla ma'mûre-yi 'âlemdür dil / Gerçi bî-derd olanlar anı vîrâne sanur
 g.27/5 Togalı mihnet ü cevriye ulaldugıçün / Kendüye derd ü gamı dil ata ü ana sanur
 g.27/6 Cân virür üstine gam bâdiyyesinde susayub / Âb-ı tîguñla meger teşne göñül kana sanur
 g.27/7 Dil-i sevdâ-zede-yi 'Adnî'yi zülfünde gören / Bend ü zencîre çekilmiş anı dîvâne sanur
 g.28/1 Şeb-i zülfinde ol meh yüzini çünkim nihân eyler / Per-i tâvûsdan hûrşîde san-kim sâyebân eyler
 g.28/2 Lebine kasd iderken dil gözi gamzeyle öldürdi / Meseldür bu ki kişi az tama'dan çok ziyân eyler
 g.28/3 Kaşı yâyna kurbân olayım ol Türk-i hûn-rîzün / Ki tîr-i gamzesine cânımı her dem nişân eyler
 g.28/4 Lebine meyl idüb hâline karşı âh kıldugum / Bu kim zenbûrdan şehd alayım diyin dühân eyler
 g.28/5 Ne cellâd-i siyeh-dildür gözün bir lahzâda cânâ / Ki yüz biğ hûn-ı nâ-hak itdi kanmaz dahı kan eyler
 g.28/6 Bu 'akl-ı hurde-bîn keşf idemez hiç agzuñun sırrın / Yakîn budur ki yok yire hemîn vehm ü gümân eyler
 g.28/7 Kaçan-kim lale-haddün şevkiyle aglasa 'Adnî / Gözinün kanlu yaşı cevresini gülistân eyler
 g.29/1 Gam-ı cânâne göñül tahtına kim hân dikilür / Bende iken dü-cihân milkine sultân dikilür
 g.29/2 Gezleyüb gamze okın atsa kaşı yâyından / Dilden öñ aña nişân olmagıçün cân dikilür
 g.29/3 Kâmet ü zülf ü ruhuñ bir yire kim sâye salar / Sünbül ü lâle biter serv-i hırâmân dikilür
 g.29/4 Dilberi gözledüğüm kasrına vardukca bu kim / Cânı çıkdukca göge dîde-yi insân dikilür
 g.29/5 Gözde olmasa hatt ü haddi hayâli ne 'aceb / Âb-ı deryâda kaçan lâle ü reyhân dikilür
 g.29/6 Kâmetin görmekçün gülşende vardukca turub / Bir ayag üstine biğ serv-i hırâmân dikilür
 g.29/7 Gerçi müşgil görünür gamzesi zahmı 'Adnî / Rişte-yi zülfiyile gam yime âsân dikilür
 g.30/1 Tarasa zülfin göñüller yire çün bârân yagar / Söylese şîrîn lebinden söz yirine cân yagar
 g.30/2 Agladugum zülfini yüzine saldukca bu kim / Ay başında çün bulıtlar oynaya bârân yagar
 g.30/3 Lâle haddün gibi gülsem ey kemân-ebrû ne tañ / Tîr-ı gamzeñden dile bârân-sıfat peykân yagar
 g.30/4 Câm-ı mey sun sâkî itme günehten ihtirâz / Devr-i güldür yire gökden rahmet-i rahmân yagar
 g.30/5 Gördüğince yâr yanında rakîbi 'Adnî'nün / Kakıduğından dilinden âteş-i sûzân yagar
 g.31/1 Lutfla çün hânesinden gün gibi cânân çıkar / Matla'ından sanasın togup meh-i tâbân çıkar

g.31/2	Kanda kim şekker lebün yâd eyleyüb yaşlar dökem / Cûş idüb ol yirden âb-ı çeşme-yi hayvân çıkar
g.31/3	Cân gözün tîrine istikbâl kılduğı bu kim / Resmdür karşı kişi çün-kim gele mihmân çıkar
g.31/4	Cân dirîg ider dir imiş saña benimiçün rakîb / İmtihân eyle görelüm kankımız yalan çıkar
g.31/5	Hattı bitdükce kebâb idüp ciger ‘arz itdügüm / Sebze vaktinde bu kim ‘âdet-durur biryân çıkar
g.31/6	Çeşmüme gamzeñ hayâli gelse kan agladugum / Tañ degül zîrâ ki ok irdüğü yirden kan çıkar
g.31/7	Ol kadar urduñ ezelde ‘Adnî’ye gamzeñ okın / Hâk-i kabrinden arasañ tâ ebed peykân çıkar
g.32/1	Gönlümi tâ mihrle ol mâh-ı gonce-fem kapar / Bâz-ı ‘ışkı sayd idüb cân mürgini her dem kapar
g.32/2	Dil yüzün günileyüb zülfinden aglar rûz u şeb / Ne hayâl engîzdür gör kim bulıtdan nem kapar
g.32/3	Gamzesinden tañ degül hûn-rîzlik öğrendüğü / Her ne san’at kim göre kâbil-durur âdem kapar
g.32/4	‘Akl u cân u dil kapup gözün yine komaz beni / Çün-ki nesnem kalmadı bes dahı cânâ nem kapar
g.32/5	Cânla dil itünün izi tozın kapsa ne tañ / Resmdür yirde gedâ çün-kim göre dirhem kapar
g.32/6	İhtiyât eyler yaşumdan tîg urur dil zahmına / Suyı ya’nî virmeyince yaraya merhem kapar
g.32/7	Nice mahzûn olmasun ‘Adnî şeb-i hecründe kim / Şâdlık tâcını başından anuñ her dem gam kapar
g.33/1	Ol serv-i gül-‘izâr ki gonce dehânı var / Bir gün mukâbil olmaga ayuñ ne cânı var
g.33/2	Gönlüm ki cân virüb gamla aldı derdini / Çok assı itti sanmağuz anuñ ziyânı var
g.33/3	Kasd itdüğüçün leb-i cân-bahşına göñül / Ger öldürürse gözleri kim dir ki kanı var
g.33/4	Çün gönlüm alduñ itme dahı kasd-ı cân u dil / İnende hadden aşma her işün oranı var
g.33/5	Geh cân emîr olur gamı milkine gâh dil / Lâ-büdd cihânda her kişinün bir zemânı var
g.33/6	Gördükce hışm idüb acı sözler virür baña / Kurbân olayın aña ne şîrîn zebânı var
g.34/7	Vardukca ‘Adnî dilbere cân tuhfe iledür / Nice itsün eli boş varamaz ad u sanı var
g.34/1	Biñ yıl taleb it dünyede bir yâr ele girmez / Dilber bulunur yâr-ı vefâdâr ele girmez
g.34/2	Agyâr cefâsın çekelüm yârıçün ey dil / Çün bâg-ı cihânda gül-i bî-hâr ele girmez
g.34/3	Vir cân u cihân nakdini hâk-ı kademin al / Kim buncılayın assılu bâzâr ele girmez
g.34/4	Çün cânı tabîb itdi ciger haste ü nâlân / Derdâ ki devâ-yı dil-i bîmâr ele girmez
g.34/5	Her zerrede var pertev-i hûrşîd-i cemâli / ‘Âlemde velî tâlib-i dîdâr ele girmez
g.34/6	Şîrîn lebünün râzını cânile göñülde / Sordum nice kez vâkıf-i esrâr ele girmez
g.34/7	Bu derdle kan aglasa ‘Adnî yiridür kim / Agyârla pür oldı cihân yâr ele girmez
g.35/1	Cevr ü cefâsı cân u dil-i mübtelâyadur / Kısmet ezelde buyıdı minnet Hudâ’yadur
g.35/2	Dil meyl-i zülf ider yüzi yâdına itsem âh / Günde hevâ çü germ ola matlûb sâyedür
g.35/3	Bîm-ı gözinden agzına sırrile ey göñül / Varmak ne vakte dek ola baş ac belâyadur
g.35/4	Dil alsa çeşmi gamze vü ebrûya sarf ider / Türk’ün ne bulsa virdüğü ok ile yayadur
g.35/5	Olmaz beşer bu resme meger saña ey melek / Gün mâder ü kamer peder ü zühre dâyedür
g.35/6	Hecr-i lebünle tîguña düşse göñül ne tañ / Can nez’î irse her kişinün meyli mâyedür
g.35/7	Cevrile şâd olur dil-i gam-gîn-i ‘Adnî’yi / Bilür ki meyli derdi olanuñ devâyadur
g.36/1	Gören kamer yüzüñi meyl-i âfitâb itmez / Soran şeker-lebüñi yâd-i la’l-i nâb itmez
g.36/2	Göñül ‘imaretini yıkmasun gamuñ hazer it / Ki kimse kendü evin göz göre harâb itmez
g.36/3	Cefâ ü cevorse ey bî-vefâ oran oldı / Kişi bu vechle kanlusına ‘azâb itmez
g.36/4	Benüm bu agladugum yüzüme urur ne ‘aceb / Anuñ hezâr cefâ itdüğün hisâb itmez
g.36/5	Gözün ki kanuma tîz atdı gamzesin yâ Rab / Niçün bu hayr işi te’hîr ider şitâb itmez
g.36/6	Meger ki çihresi âyînenün demirdendür / Ki gün yüzünle mukâbil olur hicâb itmez
g.36/7	Zemân mı var ki lebün yâdına ‘Adnî / Ciger kebâb ü gözi yaşını şerâb itmez
g.37/1	Hayâl-i la’l-i güher-bârıñile dem olmaz / Ki cân-ı bülbül-i dil gonce bigi dem olmaz
g.37/2	Lebün zülâli meger şerbet-i cinândur kim / Ne deñlü nûş iderem hîc nesne kem olmaz
g.37/3	Günüm saña nice(si) ayı beñzedem kim ol / Çenâr-kâmet-ü gül-rûy ü gonce-fem olmaz

g.37/4 Yüzünle gözlerüne eylesün nazar şol kim / Diyâr-ı Rûm'da dir Âhû-yı harem olmaz
 g.37/5 Tabîb derd-i dile itme şerbetile 'ilâc / Lebinden özge aña hîc nesne em olmaz
 g.37/6 Kapu'da hâr u hakîr olmayan itün bigi / Cihânda 'izzet ü bahtile muhterem olmaz
 g.37/7 'Aceb nedür saña kûyında cevr itdüğü çün / Behişt içide bilür 'Adniyâ sitem olmaz
 g.38/1 Yüzünden açsa nikâbın çemende ol gül-i nâz / Figâna başlaya mânend-ı bülbül ehl-i niyâz
 g.38/2 Çün irdi zülfine dil gün yüzinde devlet anuñ / Ki hâsıl eyledi devr-i kamerde 'ömr-i dırâz
 g.38/3 İşitmedi ser-i zülfinde dil figânını âh / Egerçi gicede dirler uzak gider âvâz
 g.38/4 Cihânı garka virür göz yumınca seyl-i yaşum / Sehâb-ı zülfî çü bârân yirine yagdura nâz
 g.38/5 Hezâr dûd kopar bir dem içre cânumdan / Lebinde bitmege çün hattı eyleye âgâz
 g.38/6 Figân idüb nice aglamayam bu sûzla kim / Yaşumdan özge degül kimse âhuma dem-sâz
 g.38/7 Nigâr sırrını fâş itme 'Adnî düşmene kim / Degül zamâyir-i erbâb-ı kîne mahrem-i râz
 g.39/1 Dildârçün endîşe-yi cân eylemek olmaz / Yok nesneyiçün bunca ziyân eylemek olmaz
 g.39/2 Öldürmege kavlı itdügine turmadı gerçi / Cân virmek olur anı yalan eylemek olmaz
 g.39/3 Agzuñ haberin sorduguma hışmla bakma / Her lahzada bir yok yire kan eylemek olmaz
 g.39/4 Sînemde ruhuñ mihri kaçan gizlene çün-kim / Hûrşîdi gil içinde nihân eylemek olmaz
 g.39/5 Dâg-ı gamın aңdukca göñül cânuñı yakma / Her aңdugını kişi hemân eylemek olmaz
 g.39/6 Râz-ı dehenin sakladugum cân bigi bu kim / Ser virmek olur sırrı 'ıyân eylemek olmaz
 g.39/7 Âh eyleme 'Adnî dile geldükce gamı kim / Mihmân varken evde duhân eylemek olmaz
 g.40/1 Şerefde gün yüzüne mâh-ı âsmân iremez / Revişde kâmetüne serv-i gülistân iremez
 g.40/2 Cigerde gamzesi zahmın göñül ganîmet bil / Bu devlete niçeler virdi baş u cân iremez
 g.40/3 Dehânı sırrını fikrile nice keşf ideler / Yakîn budur ki aña vehmle gümân iremez
 g.40/4 Yağagı zülfî ucından görünmese ne 'aceb / Ki nâra nûr-ı basar çün ola duhân iremez
 g.40/5 Diledüm elde iken zevkle geçe 'ömrüm / Mesel-durur ki zemân devrine zemân iremez
 g.40/6 Ruhuña öyküneli meh yüzine noksânın / Yügürür urmagçün mihr-i âsmân iremez
 g.40/7 Yüzünle yaşuñı sîm ü zer eyle ey 'Adnî / Ki yâr dâmenine dest-i müflisân iremez
 g.41/1 Zemân mı var ki gamuñdan cigerde rîş olmaz / Şükür tena'umsa ancag ola bîş olmaz
 g.41/2 Lebün hayâli dile gelse zahm urur gamzeñ / Cihânda nûş mı vardur ki anda nîş olmaz
 g.41/3 Ezelde derd ü gamuñdan ne dil ki yad oldı / Safâ vü şâd ile tâ ebed bilîş olmaz
 g.41/4 Dil aldı gussasını cânâ hisse virmedi âh / Mesel durur ki 'adû-çün 'adûya hîş olmaz
 g.41/5 Yağagıdır lebi 'unnâbın eyleyen rengin / Belî harâret-i mihr olmasa yemiş olmaz
 g.41/6 Niçe bir ola mu'âriz benümle n'olsa gerek / Rakîbi öldüriserven ki bitmez iş olmaz
 g.41/7 Kaşı kemânına cân u göñülde ol kurbân / Ki 'Adnî buncılayın 'âlem içre kîş olmaz
 g.42/1 Haddünde cilve kılalı tâvûs-vâr zülf / Komadı cânâda sabr u göñülde karâr zülf
 g.42/2 Çün müşg-i Çîn'e sehve teşbîh eyledüm / Âşüfte oldı hışmla kuşandı mâr zülf
 g.42/3 La'lüne el uzatdı meger mest-i nâzken / Kim düşüb ayaguna ider 'itizâr zülf
 g.42/4 Pür-sünbül oldı seyl-i yaşumdan cihân yüzi / Bârân-ı cevr yagduralı ebr-vâr zülf
 g.42/5 Devr-i kamerde fitne-yi çeşmünden incinüb / Ey yüzi gün hattıñ bigi tutdı kenâr zülf
 g.42/6 Yagmâ kılalı hüsn ilini hatt leşkeri / Gamdan boyandı karaya mâtem tutar zülf
 g.42/7 'Adnî bigi ne deñlü ki barmak toladılar / Miskîn degül mi itmedi terk-i diyâr zülf
 g.43/1 Dil mürğî saydına kuralı kara zülfî ag / Gül yüzi şevki cânâ urur lâle bigi dâg
 g.43/2 Şeb-reng zülfini ruhu altında görelî / Bildüm ki karañu olur imiş bün-i çerâg
 g.43/3 Kaddün hevâsıyla düşer yire za'fdan / Andan durur ki serve ider bâgbân dayag
 g.43/4 Bâg-ı ruhını mürğ-i nazardan sakınmaga / Asmış başı aşaga ayagından iki zâg
 g.43/5 Hurrem dil olayın dirseñ gül bigi müdâm / Nergisleyin çemende elün den koma ayag
 g.43/6 Redd eylemiş rakîb-i siyeh-rûyı yârumuz / Olsun iki cihânda yüzi ag u işi sag
 g.43/7 Derd ehlinün dinürdi ki yanmak durur işi / Köz oldı şimdi 'Adnî'ye kime asa kulag(sor adni ya)

g.44/1 Hândân degül ol dil ki derûnında gamuñ yok / Lezzet ne bilür cân ki teninde elemüñ yok
g.44/2 Cân almazsañ nâzla bârî acı söz vir / Şîrîn dilüñ olsun sanemâ çün keremüñ yok
g.44/3 Bir lahzada nâ-hak yire biñ kana girersin / Müşkil budur ki itdügüne dahı nedemüñ yok
g.44/4 Şükr eyle ferâgatle dilâ sıhhat ü emne / Hân-ı cigerüñ var n'ola ger câm-ı Cem'üñ yok
g.44/5 Ey dil sıfat-ı zülf ü ruhın niçe yazarsın / Gülden varak ü sünbül-i terden kalemüñ yok
g.44/6 Bî-vechdür öykünme güneş yüzine ey mâh / Çün gül yañağuş la'l-lebün gonce-femüñ yok
g.44/7 Kâr eylemez ey vâ'iz-i bârid bize pendüñ / Taş hod degülüz ger varsa germ demüñ yok
g.44/8 Ol serv-kadd ü sîm-berüñ sevgüsin aña / 'Adnî bigi çün rûy-ı zer ü çeşm-i nemüñ yok
g.45/1 Dilden cihânda her kime ki cân u ser gerek / Gamzeñ okına sînesi yârâ siper gerek
g.45/2 Teşbîh idermiş öziñi yâkût la'lüne / Hakkâ bu işi itmege taşdan ciger gerek
g.45/3 'Anber saçuş hevâsına dilden düşenlere / Hindûsitân diyârına cânâ sefer gerek
g.45/4 İnanma zülfi 'ahdine cânânun ey göñül / Bir başı var ü biñ dili andan hazer gerek
g.45/5 Göñlüm kapıldı çeşmine zahmile cân çeker / Hûn-rîz ü meste uyana bundan beter gerek
g.45/6 Hattı hayâli gitmedi dilden ne turfedür / Âteş içinde bitmeye reyhan-ı ter gerek
g.45/7 'Adnî bigi muhibbleri ol mâh-çihrenüñ / Mahşer güninde bî-dil ü cân kopsalar gerek
g.46/1 Lâlenüñ beñzemege gül yüzüne çihresi yok / Goncenüñ añağa la'lîn lebünî zehresi yok
g.46/2 Mâh hûrşîde uyub gün yüzüne öyküneli / Şermden halka nazar eylemege çihresi yok
g.46/3 Zahm-ı gamzeñle ne dil kim boyuna virmedi cân / Râstı sehm-i sa'âdetden anuñ behresi yok
g.46/4 Nite sa'd-i ahter ola ol kişi kim yanında / Büt-i meh-tal'at ü hûrşîd-cebîn Zühre'si yok
g.46/5 'Adniyâ zülfine dîvânelenüb tolaşma / Ejdehâdur kim anuñ zehri çoğ ü mühresi yok
g.47/1 Yârın ayağı tozına kıymet cihân gerek / Belki cihân ne nesne ola baş u cân gerek
g.47/2 Bir yâri kılmışam iki cihânda ihtiyâr / Evvel kişiyê cân gerek andan cihân gerek
g.47/3 Vardukca dil işigine cân peş-keş kılur / Yâri evine varsa kişi armağan gerek
g.47/4 Kanlu yaşum yiterdi yine sevgüsü için / Dâ'vîye ma'nî ü dahı 'ışka nişân gerek
g.47/5 La'lini dişledükçe gözi kanımı döker / Elbette hükm-i şer'î budur kana kan gerek
g.47/6 Yüzüne karşı göz yaşı akıtdugum bu kim / Gülzârı tâze tutmaga âb-ı revân gerek
g.47/7 Cûş ile agladuğunu 'ayb itme 'Adni'nüñ / 'Âşık olanların gözi deryâ-feşân gerek
g.48/1 Şâd olmağ isteyen gamla âşnâ gerek / 'Âlemde saltanat taleb iden gedâ gerek
g.48/2 Âh itdügümce cûşa gelür gözlerüm yaşı / Deryâ temevvüc itmege lâ-büdd hevâ gerek
g.48/3 Dil milkine hayâlün ider hükm geh gamuñ / Bu bir harâbeye ne iki pâdişâ gerek
g.48/4 Gamzeñ hadengi zahmına cân virdügüm bu kim / Derd-i dil-i şikesteye yârâ devâ gerek
g.48/5 Zühd ü salâhı câm-ı meye satdugum budur / Kim rind olanların 'ameli bî-riyâ gerek
g.48/6 Kanlu çıkardı yaşumı yolum basar diyü / Evvel bu işi işlemege dest ü pâ gerek
g.48/7 İzün tozına 'Adnî yüzün nice sürmesün / Kanlu gözine sıhhat için tûtiyâ gerek
g.49/1 Nigârâ çeşme-yi cândur zülâl-i la'l-i şîrînün / Sevâd-ı dîde-yi dildür hayâl-i hâl-i müşgînün
g.49/2 Görelden dür dişün nazmıyla cân tal'atuñ nurın / Göñülde kalmadı bir zerre mihri mâh u
pervînün
g.49/3 Mu'anber zülfüne irmek meger sevdâ idindi kim / Cihânı post-puş olub tolanur nâfesi Çîn'ün
g.49/4 Ümmîd-i zülfün ile kılca kaldı göñlümün cânı / Demidür tut elini kim ayaga düşdi miskinün
g.49/5 Hadeng-i gamzesi çünkim gelür cân kaskına her dem / Göñül hoş gec ki vardur himmeti sana
nigârınun
g.49/6 Göñül almakdur işün hüsn iline şâh olalıdan / Cihânda müstedâm ol kim ne hoşdur resm ü âyînün
g.49/7 Dilermiş 'Adnî'nün cânın peşimân olmasun diyü / Du'â hengâmıdur ey dostlar vaktidür âmînün
g.50/1 Zülfünî çün-kim perîşân eyledün / Âh kim kask-i dil ü cân eyledün
g.50/2 Tâze tutmaga yüzün gül-zârını / Yaşumı bârân-ı nîsân eyledün
g.50/3 İns ü cin râm olmagiçün hükmüne / La'lünî Mühr-i Süleymân eyledün

g.50/4 Subh-dem gün gibi yüzün 'arz idüb / Gülleri gülşende hândân eyledün
 g.50/5 Agzına öykündi diyü ey sabâ / Gonceye yok yire bühtân eyledün
 g.50/6 Âh kim cân hâne iken derdüne / Anı da dil bigi vîrân eyledün
 g.50/7 Dest-i cevriye belâ bezminde âh / 'Adnî'yi ney bigi nâlân eyledün
 g.51/1 N'idem ki hayâl-i nemek-i şeker-i nâbuñ / Göstermez olubdur gözüme yüzün hâbuñ
 g.51/2 Yok yire soraram lebüne varduğunu dil / Çün-kim bilürem kanda durur meyli zübâbuñ
 g.51/3 Yaşuma nazar eylemedün meyl kılub âh / Yok kıymeti kapuñda meger sîm-i müzâbuñ
 g.51/4 Şeb-reng saçun gün yüzüne çün ola hâyil / Örtür sanuram ebr yüzini meh-i tâbuñ
 g.51/5 Öldükde gam-ı 'ışkuñla 'Adnî dir iseñ / Lebbeyk diyem sinden işitdükde hitâbuñ
 g.52/1 Bulsa bir zerre gözüm sürmeyiçün ger dir iseñ / Terbiyet nûrına yüz yıl virdi mihr ü mehün
 g.52/2 Başdaki zülfi hayâli derdüne hâl ü hatt / Şâkirem her ne ise hâline baht-ı siyehün
 g.52/3 Yaşum ırmag olub ister seni ey serv-i sehî / Bilmezem kankı çemen içredür ârâm-gehün
 g.52/4 Düşdün ey dil zekânı fikrine tut zülfini kim / Bî-sebeb çıkmaya çün-kim düşe içine çehün
 g.52/5 Dil yüzün şevkiyle zülfünde bulunursa ne tañ / Gice yatan bulunur nûr ile subh-gehün
 g.52/6 Gösterürlerdi saña cennet-i 'alâ-yı 'ıyân / Bir gice zâhid işigi oldu tekye-gehün
 g.52/7 Yed-ı beyzâ bigi gösterdi elün mu'cizeler / 'Adniyâ sâ'id-i dilber ger ola dest-gehün
 g.53/1 'Anberîn-zülfün ham idüb gün yüzüne sâye sal / Lutfla müşğîn kemendün halkasını aya sal
 g.53/2 Lâle ruhsârunda zülfün sünbülünü tağıdub / Gülşene reyhân-ı terden ey perî pîrâye sal
 g.53/3 Tîr ü yâ tîg ile kasd-ı cân u ser itmek neden / Her nefes bu hıdmeti derd-i dil-i şeydâya sal
 g.53/4 Tîr ü gamzeyle ciger kanın gözümde döküdüğü / Anuñçıñdür ki dirler iyilük eyle mâye sal
 g.53/5 Sâhil-i çeşmümde yaşum kirpügüm üzre çıkup / Hâr u hasdan gör ne bî-cândur ider deryâya sal
 g.53/6 Sıhhat ü emn ü ferâgat hâsıl iken ey gönül / Yok yire kim dir saña kim kendünî gavgaya sal
 g.53/7 Kimse mi vardur saña kavlünde yalansın diye / 'Adni'yi ha turmadın sen va'de-yi ferdâya sal
 g.54/1 Zülfün ucından dil ü cânâ belâ eksük degül / Serv-kaddün hasretinden gözde mâ eksük degül
 g.54/2 La'l-i dür-bârın hayâli hem-dem-i cân olalı / Çeşm ü gönülüm arasında mâ-cerâ eksük degül
 g.54/3 Merhem urma haste gönülüm yarasına ey tabîb / Derdidür matlûb olan yohsa devâ eksük degül
 g.54/4 Tâb-ı dilden âhum añub çeşmüme varur hayâl / Sâhil-i deryâda bilür kim hevâ eksük degül
 g.54/5 Pây-mâl-i zülfi iken dest-gîr olsa gözi / Tañ degül her gûşdamerd-i Hudâ eksük degül
 g.54/6 Hâsılum 'ışkuñda ey dilber sorarsañ rûz u şeb / Cânda sûz u sînede âh ile vâ eksük degül
 g.54/7 Gâh hecr ü geh rakîbinden çeker dürlü cefâ / 'Adniyâ her kanda ise bir belâ eksük degül
 g.55/1 Cânân mahallesinde ne dil kim gedâ degül / Milk-i cihâna mâlikse pâdişâ degül
 g.55/2 Dür bigi sırrını sadef-i dilde sakla kim / Nâ-geh kulagina irişür az belâ degül
 g.55/3 Derdün bes ola hecrünî itme havâle kim / Ma'lûl-i vâhide iki 'illet revâ degül
 g.55/4 Her bir kılında yüz dil-i âşüfte cân çeker / Biñ başlu ejdehâdur ü zülf-i dü-tâ degül
 g.55/5 Ol mihr ü mâh-çihreye dil oldu müşteri / Kim bir kılına iki cihân kem-behâ degül
 g.55/6 Cân virürem küdüreti zâyil ola diyü / Çok yaşayasınun dahı gönli safâ degül
 g.55/7 Biñ cânı al bir öpmege lutf it didüm didi / Yok yire zahmet itme ki olur du'â degül
 g.55/8 'Adni şikâyet eyleme cevrenden ol mehün / Yârün cefâsı mihr ü vefâdur cefâ degül
 g.56/1 'Âlemün dürr ile la'lin gözlerümden salmışam / Tâ ki 'ışkuñ bahrine gavvâs oluban talmışam
 g.56/2 Hâl-i 'anber-bârın gül yüzün üzre görelî / Nokta bigi devr içinde bî-ser ü pâ kalmışam
 g.56/3 Kanlu yaşum sırrımı fâş itdügiçün 'âleme / Acılıkla anı gözden ben ayaga salmışam
 g.56/4 Zülfünün sevdâsı zencîrin tolayub boynuma / Hayderî-veş kapuñda dervîze içün gelmişem
 g.56/5 Devr içinde cür'a-yı cân-ı lebünden mest olub / 'Adni'yem kim şîşe-yi nâmûsı taşa çalmışam
 g.57/1 Gülşende gül yüzünçün bülbül bigi terennüm / Gerçi ki eyledüm çok hîc itmedün terahhum
 g.57/2 Yüzün görürken ay u hûrşîde bakmadugum / Budur ki su katında câiz degül teyemmüm
 g.57/3 Merhem yirine çeşmün zahm urdı yüregüme / Yaşı çoğ ola bana merdümlik itdi çeşmüm

g.57/4 Kanlu yaşın akıdub def' itdi göñlüm odın / İnsânlig olur işi anuñ kim ola merdüm
 g.57/5 Yârüñ dehânı sırrın keşfi idemez kimesne / Yok yire 'Adnîyâ sen hıc eyleme tevehhüm
 g.58/1 Cân cemâlün şem'inün pervânesidür dostum / Dil müselsel zülfünün dîvânesidür dostum
 g.58/2 Al emânet göñlümi cevruñle vîrân eyleme / Kim senün hayl-i hayâlün hânesidür dostum
 g.58/3 Cân u dil derd ü gamuñla âşinâ olalıdan / İki 'âlem anlarun bîgânesidür dostum
 g.58/4 Yoluña cân u cihân virdüğüme budur sebab / Baña cevritdügünün şükrânesidür dostum
 g.58/5 Kasr-ı cennet bigi ma'mûr olısardur dâyimâ / Ol göñül kim 'ıskuñuñ vîrânesidür dostum
 g.58/6 Kanlu gamzeñ susamışdı lebünden soraram / Kim kaçan ol teşne kana kanasıdur dostum
 g.58/7 Ger terahhum eylemezseñ 'Adni yüzün şem'ine / 'Âkıbet pervâne bigi yanasıdur dostum
 g.59/1 Tîg-i derdile dilersin dilümi hâme miyem / Dest-i cevriyle bükersin bilümi nâme miyem
 g.59/2 Ko beni zâr olayın zülfün ucında niçe bir / Başumuñ kat'ına el uzadasın hâme miyem
 g.59/3 Kâz-ı hasretle tenüm togradı hayyât-ı cihân / Yâ Rab endâmına cevri felegün câme miyem
 g.59/4 Bilmezem 'aklümü sevdâ alalı kim meftûn / Bu lebi pisteye ya ol gözleri bâdâme miyem
 g.59/5 Müşgi beñzetdügüme zülfine pür-çîn oluban / Didi uzatma dilün baña nedür şâme miyem
 g.59/6 Meclis-i hâsı rakîbâ koyuban 'âma varam / Hâşe ben sencileyin âlet-i hengâme miyem
 g.59/7 'Adniyâ kimesne beni bilmedi hecr ile esîr / Serv-i âzâde mi yâ mâh-ı gül-endâme miyem
 g.60/1 Ney gibi nice bir gam ilinden figân idem / Hoşdur ki yüz suyuyla teslîm-i cân idem
 g.60/2 İrem mi ol güne ki kaşı yâyına gönül / Kurbân olub gözi okına cân nişân idem
 g.60/3 Gamzeñ helâk idüb dil ü cân geldi sîneme / Kanlularından anı diler kim nihân idem
 g.60/4 Zülf ü ruhuñ hayâliyle rûz u şeb gerek / Virdüm dilümde sûre-yi Nûr u Duhân idem
 g.60/5 Yüzünle kametün varken vech olmaya / Yâd-ı sanavber ü heves-i gülistân idem
 g.60/6 Yaşum bigi arama girer yârla rakîb / Şeytân aradadur anı ister ki kan idem
 g.60/7 Dirmiş yolumda cânını 'Adnî dirîg ider / Ölem komayam anı ben âhır yalan idem
 g.61/1 Şükrâne gerek terk-i ser ü cân ü ten itmek / Ger mümkün ola kûyını bir dem vatan itmek
 g.61/2 Kan itdügüme hancerini dilde gücenmiş / Ya hoşca m'ıdı kasd-ı ser ü cân ü ten itmek
 g.61/3 Tîgına libâs eyledüğüm hûn-ı cigerüm / 'Uryâna bu kim hayr-durur pîrehen itmek
 g.61/4 Gülşende boyuñ servine öykündüğünü gör / Düşürmedi andan bu işi nârven itmek
 g.61/5 Yüzünle yañaguñ varken bâg-ı cihânda / Bî-vech-durur yâd-ı gül ü yâsemen itmek
 g.61/6 Cân virmekle yoluña göñlün hoş olursa / Sen şehden anı dimek ü ben bendeden itmek
 g.61/7 Yüz bulduñsa itine hem-ser dirilirsin / Haddün mi durur işbu işi 'Adni sen itmek
 g.62/1 Dil yanar bî-nigâr oldugıçun / N'ola fasl-ı bahâr oldugıçun
 g.62/2 Binden artuk durur vefâsın uman / N'eylesün bir nigâr oldugıçun
 g.62/3 Serv-i âzâdeñün esîri durur / Ne var adı çenâr oldugıçun
 g.62/4 Dil-i gamgîn hemîşe hurremdür / Hem-dem-i derd-i yâr oldugıçun
 g.62/5 Gönderür milk-i câna gam çerisin / Saklar anı kenâr oldugıçun
 g.62/6 'Anberîn zülfine kaçan beñzer / N'ola müşg-i tatar oldugıçun
 g.62/7 Gam yimez 'Adni kavlı 'adâdan / Çarh-ı 'acmî cebbâr oldugıçun
 g.63/1 Şerh itse göñül sûzla hâl-i cigerinden / Odlara yanar iki cihân bir haberinden
 g.63/2 Yandum yaşumuñ âhla dek turmadugından / Güc görmek acıymış kişi perverdelerinden
 g.63/3 Tenhâ koyub ol meh beni nâz ile gönitse / Yılduz saçarlar her yaña çeşmüm güherinden
 g.63/4 Bir yire kadem bassa ne 'İsi-dem olur kim / Biñ mürde olub zinde-turur reh-güzerinden
 g.63/5 Şîrîn sözidür agzı vücûdına olan dâl / Lâ-büdd bilinür zât-ı mü'essir eserinden
 g.63/6 Görmezdi kûsûfun sebeli zahmetini gün / Ger zerrece girse gözüne hâk-i derinden
 g.63/7 Gözüm yaşın elden koma güher gerek ise / Bahreyni gezüb şimdi gelübdür seferinden
 g.63/8 İhyâ-yı mevât itse ne tañ çeşme-yi hayvân / Çün itdi hudâ mâyesin agzuñ şekerinden
 g.63/9 Görmek dilesen mürde dirildüğünü yârâ / Tîr eyle revân 'Adni'ye gamzeñ sihrinden

- g.64/1 Cân u başa kalmasun ‘âlemde cânân isteyen / Mübtelâ olsun göğülde derde dermân isteyen
g.64/2 Tâlib-i cennet olan itsün ser-i kûyın makâm / Zülfinüñ küfrini dîn idinsün îmân isteyen
g.64/3 Hâk-ı pâ-yı dilberi cânile elden komasun / Hızır bigi zulmet içre âb-ı hayvân isteyen
g.64/4 Yüzi devrinde göze dâyim teselsül görünür / Zülfine kılsun nazar bu kavle burhân isteyen
g.64/5 Zahmet-i cevriñ çeker her kim diler cân râhatın / Hem-dem idinür gamın gönlini şâdân isteyen
g.64/6 Lâle-veş sahn-ı çemende komasun elden ayag / Gülistânda kendüyi gül bigi hândân isteyen
g.64/7 Mâh-rûlar mihrine ‘Adnî bigi itsün heves / Cân u dil ma‘mûresin cevriñ vîrân isteyen
g.65/1 Ne revâdur yine agyârı sağa yâr idesin / Niçe bir ey büt-i âzer beni âzâr idesin
g.65/2 Bî-vefâ idügüne cümle cihân şâhiddür / N’ola ger hükmle sen yok yire inkâr idesin
g.65/3 Yıkduğun yetmedi mi ‘ıyş u tarab hânesini / Ki gamuñ dahı göğül milkinde mi‘mâr idesin
g.65/4 Niçe bir bagrumızı kan idesin cânuñçün / Demidür haste göğül derdine tîmâr idesin
g.65/5 Gamzesi tîgı eger cân dileye boynuñı tut / Ey göğül olmaya kim başuñ bir kâr idesin
g.65/6 Râstı kâmet ü haddi varken vech degül / Heves-i serv ü hevâ-yı gül-i gülzâr idesin
g.65/7 ‘Adnîyâ kıymetüñi bilmedi çün terkinî ur / Bî-vefâyile ne lâzım satu bâzâr idesin
g.66/1 Gülşenden usanur ruhına bir nigâh iden / Kimdür güneş yüzi varken meyl-i mâh iden
g.66/2 Haddinde zülfi muztarib olduğı tañ degül / Hîc âteş üzre diğlene mi câygâh iden
g.66/3 Kurtılmadı saçında gözinden göğül gerek / Kim fitneden emîn ola şâmı penâh iden
g.66/4 ‘Âşıklarun günin şeb-i târ eylemek diler / Âyînesine gün yüzünün karşı âh iden
g.66/5 Dilber yolında cân u cihân terkinî urub / Hâr olsun it bigi heves-i ‘izz ü câh iden
g.66/6 ‘Anber saçuñ müşg-i hitâ hem-demüm dimiş / Bu lâfdur cihânda yüzini siyâh iden
g.66/7 Gün bigi tâc-ı fark-ı ser-i âsmân olur / Başına ayagun tozın ey meh külâh iden
g.66/8 Ger cürmse mahabbetün ey hûr ‘Adnî’ye / Öldür kim oldur arada evvel günâh iden
g.67/1 Bezm-i gamda yandugum ol dem olırdur ‘ıyân / Kim derûnden sûz u derdile idem âh u figân
g.67/2 Gülşeninden yüzünün bir goncedür bâğ-ı behişt / Bu sebebdendür ki meyl ider aña iki cihân
g.67/3 Tâ gözüm gördi dehânuñla kaşun yayını dil / Tîr-veş elden çıkub cân bigi oldı bî-nişân
g.67/4 Mihri nice beşzedem yüzüne ey meh kim degül / Serv-kadd ü lâle-hadd ü gül-ruh ü gonce-dehân
g.67/5 Didüm âhumdan yüzün zülfünle pinhân eyleme / Didı gice bâd esse şem’i iderler nihân
g.67/6 Tâ dilinde hâmenün câ tutdı sevdâ-yı hattun / Zülf-i müşgînün bigi olmuş-durur ‘anber-feşân
g.67/7 Cân virürken yüz sür işigine kim dervîş olan / ‘Adnîyâ gitse kapudan evvel öper âsitân
g.68/1 Gözüm yaşına rahm it sürme derden / Ki merdüm-zâdedür düşmiş nazardan
g.68/2 Şol âhûdur gözün kim bir nazarda / Dil ü cân sayd ider biñ şîr-ı nerden
g.68/3 Niçün men’ itdi yârün tîr-i zahmın / Ümmîdüm bu m’ıdı binüm siperden
g.68/4 Dil-i cânândan umma ey göğül rahm / Ki bitmez verd-i ter hergiz hacerden
g.68/5 Hayâl-i la‘l-i dîr-pûşunla çeşmüm / Döker yâkûtle mercân güherden
g.68/6 Ben ol zühre-cebîne müştêriyem / Ki elüme suna hûrşîdi kamerden
g.68/7 Yolında dilberün cân virmeğiçün / Eyâ ‘Adnî hazer eyle hazirden
g.69/1 Unıtdıysa n’ola yârüm beni lutf ü vefâsından / Bihamdi’llâh ki her dem yâd ider cevriñ cefâsından
g.69/2 Siyeh-pûş olduğum âhum bigi her dem budur yaşum / Kızıl kanlara boyandı gözümün mâcerâsından
g.69/3 Habîbümçün rakîbün nîşini nûş itdügüm her dem / Bu kim bâl isteyen kişi hazer itmez belâsından
g.69/4 Benimçün dirler imiş yâri terk itdüm ne çârem var / Halâs olmaz cihânda kimse halkun iftirâsından
g.69/5 Dil-i bîmâra lutf eyle lebünden em buyur cânâ / Ki derdün aña yigrekür etibbânun devâsından
g.69/6 Benefşe zülfüne öykündüğüçün hâkimi dehrün / Dilin bâzâr içinde gezdürüb çekdi kafasından
g.69/7 İnende ‘Adnî-yi dil-hasteyi cevriñ öldürme / Bu kim dervîş olanlarun hazer eyle du‘âsından

g.70/1 Hecründe katı haste yatur dil n'ideyin âh / Olmadı visâlün aña hâsıl n'ideyin âh
g.70/2 La'lünden eger irmez ise cânuma tiryâk / Oldı gam-ı hecrün hem kâtil n'ideyin âh
g.70/3 Dil bülbüli gül yüzün görmek diledükce / Miskîne olur sünbül hâyil n'ideyin âh
g.70/4 Zencîr saçun boynına halkun salalı bend / Bir hâl bilür kalmadı 'âkil n'ideyin âh
g.70/5 Bunca hak sâbit ki kapuñda kuluñun var / Ey şeh kamu ola bigi bâtıl n'ideyin âh
g.70/6 Bir kul ki senün yoluña sarf eyleye 'ömrin / Didürme aña ey şeh-i 'âdil n'ideyin âh
g.70/7 Kahr eyledügi 'Adnî yâ dost nedendür / Lutfına meger olmadı kâbil n'ideyin âh
g.71/1 Bâg-ı hüsn içre boyun tek serv-i dil-cû bitmeye / Gülşen-i canda ruhuñ-veş verd-i hoş-bû bitmeye
g.71/2 Âteşin sînemde olduğı hayâli zülfünün / Tuhfedür od yakduğı yirde gerek mû bitmeye
g.71/3 Göz yaşından göñlümün zahmın sakındugum budur / Kim geñezlikle cerâhat çün kapa su bitmeye
g.71/4 Didüm öldür râzıyam tek lutfla bir bûse vir / Hışm idüb didi ki kan işi bite bu bitmeye
g.71/5 Öykünürmiş zülf-i 'anber-bâruña utanmadın / Göreyim kim oñmaya müşg-i siyeh-rû bitmeye
g.71/6 Gülistân-ı hüsn içinde kâmet-i cânân bigi / Tâ kıyâmet râstı bir serv-i dil-cû bitmeye
g.71/7 'Adnîyâ ol hûr-ı meh-rûnuñ eger kaddin göre / Hacletinden togru bil tûbâ-yı mînû bitmeye
g.72/1 Bana bir 'ilm keşf oldı senün hüsnün kitâbında / Ki yüz biñ 'akl 'âcizdür anuñ bir fasl-ı bâbında
g.72/2 Eger nâr-ı hevân içre revân cânı kılâm teslîm / Ruhun mihriyle güller bite sinüm türâbında
g.72/3 Bana dünyâ ü 'ukbâda yeterdi 'izzet ü hürmet / Eger itiyile yârın olaydum yâr bâbında
g.72/4 N'ola gizlense gün yüzün müselsel zülfün altında / Ki rûşendür nihân olur kamer gice nikâbında
g.72/5 'Aceb mi vasluña irmek hayâlin itdise 'Adnî / Ki sultânlığa irişür gedâ yalancı hâbında
g.73/1 Zülfün niçe 'âkilları dîvâne kılub âh / Şimdi baña tolaşdı tevekkeltü 'ale'llâh
g.73/2 Ey mihr-cebîn sini bu vechile gören dir / Tâcile kabâ geydi yire gökden inüb mâh
g.73/3 Cânâ görelî yüzün dil vird idünübüdür / Zülf ü ruhuñun zikrini her şâm ü seher-gâh
g.73/4 Sultân-ı dü-'âlem durur ol bende ki yârın / Hem-demlige kuyında bulur itiyile râh
g.73/5 'Adnî yoluña cân u serin virdügi bu kim / El-'abdü ve mâ-yemlikühû kâne li-mevlâh
g.74/1 Cânı n'eylerdi dil-i bî-çâre cânân olmasa / Bülbüle 'âlem kafesdür ger gülistân olmasa
g.74/2 Öldürem didüğine âhır peşimân oldı âh / N'olaydı hûblar bî-'ahd ü peymân olmasa
g.74/3 Lebleriñçün cân u dilde mâcerâ var korkaram / Ol iki hûn-rîz arasında bir kan olmasa
g.74/4 Gözlerüme tûtîtâ-yı hâk-ı pâyün bes durur / Ey tabîb-i cân ne gam kühl-i sıfâhân olmasa
g.74/5 Hüsnünün gencînesin yagma kılurdu hûblar / Ejdehâ-yı turre-yi zülfün nigeñ-bân olmasa
g.74/6 'Işk-ı cânânile dil ol deñlü ülfet tutdı kim / Kâşkî cümle cihân derd olsa dermân olmasa
g.74/7 Ol kadar oldı gam-ı hecrünle 'Adnî nizâr / Kim anı bilmezdi kimse âh u efgân olmasa
g.75/1 Görürse gün yüzünün tal'atın kamer yirine / Sezerse şehd lebün vafını şeker yirine
g.75/2 Kaşun kemânı ne deñlü atarsa gamzeñün okın / Nişân ider dil aña cânını siper yirine
g.75/3 Boyun ki serv-i gülistân-ı hüsndür ne 'aceb / Ki virdügi baña nâr-ı gam oldı ber yirine
g.75/4 Cefâsı hânını bahş itdüğini gayrilere / İştise derdle dil yakılub ciger yirine
g.75/5 Harâmî gözleriñe kanımı helâl ideyin / Belâ ü derdün dök lutf eyle vir yirine
g.75/6 İrerse boyuñ serv-i sehi ola mâyl / Görürse lâle yañaguñı verd-i ter yirine
g.75/7 Ayaguñun tozu girseydi 'Adnî'nün eline / Çekeydi gözlerine sürme-yi basar yirine
g.76/1 Şâne urdukca sabâ çîn zülfüne / Cân-feşân itmekdür âyîn zülfüne
g.76/2 Kesdi dil bend-i muhabbet riştesin / Tolaşaldan berü müşkîn zülfüne
g.76/3 Göñlüm aldı kasd-ı îmân itmesün / Bi'llâh ey cân hay (hiy) di bî-dîn zülfüne
g.76/4 Zer-re-veş ser-geşteyem olalıdan / Mâh pister mihr bâlîn zülfüne
g.76/5 Sünbülü gül üzre ey meh tagıdub / Mihri tezyîn itdi tahsîn zülfüne
g.76/6 Cân alub dil kapmağı ey şüh u şeng / Gözleriñ mi itdi telkîn zülfüne
g.76/7 Beñzedürse 'Adnî sünbül destesin / Key hatâdur nâfe-yi çîn zülfüne
g.77/1 İtdüğümce ruhlarıñ şevkiyle âh / Odlara yanar felekde mihr ü mâh

g.77/2 Ölice ey meh hattun sevdâsıla / Sinüm üzre bitiser mihr-i giyâh
 g.77/3 Gün yüzünden çünki yüz döndürdi zülf / Bu kamer devrinde oldı rû-siyâh
 g.77/4 Gün diyeydim saña ey meh-rû eger / Gün geyüb câme urınsaydı külâh
 g.77/5 Yandugum bezm-i belâda bilmedün / İtmeyince sûzla efgân u âh
 g.77/6 Kehrübâ bigi rakîbi dek buyur / Kapayım germiyyetile misl-i kâh
 g.77/7 'Adnî'yi yâd itdün ey hûr-ı behişt / Sini sevdügi mi olmışdur günâh
 g.78/1 Cemâlün ta'n ider mihr-i münîre / Ruhun öjindedür meh-tâb tîre
 g.78/2 Tapun yâd ideliden bini saldum / Hevân odiyla yüz suynı yire
 g.78/3 Lebinden bûse itdüm şey'li'llâh / Didi yok hiç nesnem Tağrı vire
 g.78/4 Degül çünkim beden burc ey dil-i seng / Nice döysün gözün atduğı tîre
 g.78/5 Tolaşdı serv-kaddine göñül gör / Ne hoş âzâdelik irdi esîre
 g.78/6 Yaşum bigi ideyin cüst ü cüy / Ola ki ol serv-kâmet ele gire
 g.78/7 Hevâ-yı mihrle 'Adnî meh ü sâl / Olur pervâne ol şem'-i münîre
 g.79/1 Bini musâhib olmaga komaz habîbile / Yâ Rab ne çâre eyleyeyim ol rakîbile
 g.79/2 Gülşende gül yüzüni güle itdügümde şerh / Her subh hem-nefes oluram 'andelîbile
 g.79/3 Zülfün hevâsına meger irişdi bâd-ı subh / Kim hoş mu'attar eyledi âfâkı tîbile
 g.79/4 Rahmun olaydı eger ol zülf-i ser-keşün / Bilseñ ne müşkil işler ider ben garîbile
 g.79/5 Gözün bigi bu cânımı bîmâr idübdurur / Zülfeynün el bir ideli sen dil-firîbile
 g.79/6 Olsun iki cihânda gam u derde mübtelâ / Ol dil ki hurrem olmaya cevr-i habîbile
 g.79/7 'Adnî'ye çeşm-i şîveyle bir nazar kıla / Cânı revân ider aña ol-dem dili bile
 g.80/1 Gördüğümce 'anberîn zülfi ruh-ı dildârda / Mâr-ı müşg-efşân yatubdur sanuram gülzârda
 g.80/2 Yâd kıldukca leb-i cân-bahşunı peydâ olur / Gonçe-yi şâdî gülistân bu dil-i efgârda
 g.80/3 Lâle haddünden meger gül-reng ü bû ugurladı / Kim dırahta saruban gezdürdiler bâzârda
 g.80/4 Ey gözüm nûr budur işigüne yüz sürdügüm / Ka'be'yi her kim tavâf iderse yanmaz nârda
 g.80/5 Zülfün ey meh-rû ruhuñda olduğı pür-tâb bu / Günde yatdukca olur kuvvet ziyâde mârda
 g.80/6 Yalunuz cân aldugın fikr itme ey dil kıl hazer / Dahı niçe hîle var ol turre-yi tarrârda
 g.80/7 'Adnîyâ dildâr gûşına münâsibdür hemîn / İşbu dürr kim var durur bu nazm-ı gevher-bârda
 g.81/1 Çıksun ol göz kim yaşı derd ile hûnîn olmaya / Görmesün şâdî yüzün her dil ki gamgîn olmaya
 g.81/2 Ger murâduñ cânsa al dek yüzüme togru bak / Bu meseldür her ne dilde kîn ola dîn olmaya
 g.81/3 Lezzet-i kevserde söz yokdur velî zu'mum bu kim / La'l-i şeker-bâr-ı cânân bigi şîrîn olmaya
 g.81/4 Gül yüziyle kâmet-i dil-cû-yı cânân varken / Gülşen içide ne gam ger serv ü nesrîn olmaya
 g.81/5 Hûblık milkinge sultân olmaga lâyıq degül / Her ne cânân kim aña dilberlik âyîn olmaya
 g.81/6 Zülf-i cânâna hatâdur 'anberi benzetme kim / Bir kılına kem bahâ biñ nâfe-yi Çîn olmaya
 g.81/7 La'l-i dür-bârun hayâliyle yaşı kanından âh / Dem mi var kim 'Adnî'nün etrâfı rengîn olmaya
 g.82/1 Dil mürgi düşdi çünki kara zülfün ağına / Konmaz dahı cihânda ferâgat budagına
 g.82/2 Yaşumdan özge görmedi hecründe hemdem âh / Çendân ki bakdı kanlu gözüm sol u sagına
 g.82/3 Zülfün ki la'lünı tolaşub ditrer üstine / Meryem-durur ki 'İsi'yi almış kucagina
 g.82/4 Her şûha cân virür gözümün merdi dirîg / Anı diler ki su koya kendü ocagina
 g.82/5 Kaddün hevâsı ile za'îf itdi serv kim / Yirde tayanmayınca turamaz tayagina
 g.82/6 San-kim güneş yüzinde Sühâ âşikâr olur / Çün katre-yi 'arak gele ol meh yañagina
 g.82/7 Dür dişlerine lülü-yi manzûmı 'Adnîyâ / Teşbîh itme nâgeh irişür kulagina
 g.83/1 Götür nikâbı yüzün nûrın âşikâr eyle / Zevâle sal günü vü mâhı şerm-sâr eyle
 g.83/2 Cigerde gamzeñ okın oda yakayın hele ben / Senün de her ne elünden gelürse var eyle
 g.83/3 Güneş tutuldugın ey mâh görmek isteriseñ / Benefşe zülfünı gün yüzde târumâr eyle
 g.83/4 Yüzün çevürdi hoş itdi rakîb cevründen / Var indi her kişiyi kendüzüne yâr eyle
 g.83/5 Harâb-ı cânı dilerseñ 'imâret eylesesin / Göñülde 'ışkı esâsını üstüvâr eyle

g.83/6 Cihânda isteriseñ ey göñül hayât-ı ebed / Ayagı toprakına baş u cân nisâr eyle
 g.83/7 Biri de ‘Adnî gibi gül yüzüñi vasf idemez / Gerekse bülbülü bâgunda sad-hezâr eyle
 g.84/1 Mihr-i ham-ı ebrûsı kaddümi dü-tâ itdi / ‘İyd ayı bigi bini engüşt-nümâ itdi
 g.84/2 Baş virmekdi borcum yolunda bi-hamdi’llâh / Boynumdan anı gamzeñ tıgıyla edâ itdi
 g.84/3 Ayırdı dil ü cânı bend-i ham-ı zülfinden / Yolında gele başa bu işi sabâ itdi
 g.84/4 Kesb itdi bekâ milkin bu menzîl-i fânîde / Cânân yolına ol kim cânını fidâ itdi
 g.84/5 Hadd ü lebi şevkinden gülşende benüm bigi / Hûnîn-dil olub gonce gül çâk-ı kabâ itdi
 g.84/6 Katl eylemiş it bigi agyârı ışiginde / Eydüñ kolına kuvvet hoş vardı gazâ itdi
 g.84/7 ‘Adnî demidür cânı dildâra nisâr eyle / Baş oynamaga çünkim yolında salâ itdi
 g.85/1 Göñül ‘imâreti gamdan harâba yüz tutdı / Cihânı seyl-i yaşum ucdan uca düz tutdı
 g.85/2 Çü tîr-i gamzesi ey dil nişân idindi seni / Hoş ol ki devlet ü ikbâl saña yüz tutdı
 g.85/3 Yaşı çog ola ki firkatde göñlümi gamdan / Unıtmadı kereminden kulag u göz tutdı
 g.85/4 Gururla yüzün ayına beñzerem diyeli / Zevâl irişdi güne beñzer âhumuz tutdı
 g.85/5 Yolında başunı vir ‘Adnîyâ nasihât işit / Sa’âdet ol kişinüñ kim cihânda söz tutdı
 g.86/1 Mâh öykünürse gün yüzüne hîc edeb degül / Gün niçe beñzesün saña kim gonce-leb degül
 g.86/2 Şîrîn lebüne öykünür imiş şeker meger / Çün kelledür utanmamak andan ‘aceb degül
 g.86/3 Su üzre ugradukca gelüb mâhı ditreden / Gül yüzünün hayâli durur tâb-ı teb degül
 g.86/4 Yâ yâre irürem virürem yâ gam ile cân / Gözüm segürdügi bilürem bî-sebeb degül
 g.86/5 Olmaz bu hüsn ü hulk u letâfetde ey perî / Ol kimse ki aña mihr ana vü mâh eb degül
 g.86/6 Başdan ayaga rûh-ı mücessem-durur tenün / Kim dir vücûd-ı paküne kim lutf-ı Rab degül
 g.86/7 Ey hür ‘Adnî’nün sımagıl göñli şîşesin / Kim Edrine diyârı durur bu Haleb degül
 g.87/1 Kankı dil tahtında kim ‘ışkuñ senün sultân degül / Bende-yi bî-derddür kim lâyı-ı dermân degül
 g.87/2 Zülfünün zencîrinün sevdâsıyla âh kim / Dil dahı dîvâne olmışdur yalunuz cân degül
 g.87/3 Serv-kaddün ayagina merdüm-i çeşmüm müdâm / Göz yaşın cûy eylemezse râstı insân degül
 g.87/4 İki ‘âlem içre ma’mûr olmasun olsun harâb / Ol göñül kim derd-i ‘ışkuñla senün vîrân degül
 g.87/5 ‘Adnîyâ şîrîn lebin algıl dehânuña müdâm / Gerçi cânın agzına almak kişi âsân degül
 g.88/1 Boynuma tolaşaldan müşgîn saçun hevâsı / Dil zülfünün olubdur cân ile mübtelâsı
 g.88/2 Her yana mâylı olub ârâm kılmađu / Budur ki gözlerümün su üzredür esâsı
 g.88/3 Zülfün ruhuñdan ey cân yüzün çevürdüğüçün / Rûsvâ-yı halk idübdür anı yüzi karası
 g.88/4 İki cihânda başa ‘izz ü şeref yeterdi / Kim dost itlerinün olsaydum âşinâsı
 g.88/5 Ey ‘Adnî gün yüzine rûşen nazarlar eyle / Ki âyîne-yi dilünün mahv ola jeng ü pâsı
 g.89/1 Tâ la’l-i lebün ‘aksi dil-i sagara düşdi / ‘Uşşâk-ı cihân cümle mey-ı ahmere düşdi
 g.89/2 Cân virdügi dil gamzeñün üstinde budur kim / Hecr odına sabr idemeyüb hancere düşdi
 g.89/3 Meh yüzünle kılduğıçün hüsn de da’vî / Mihrün kızarub yüzi hayâdan yire düşdi
 g.89/4 Vardı müjeden zülfine cânbâz oluban dil / Gör nice kılıcdan atılab çenbere düşdi
 g.89/5 ‘Uşşâkına lutf u ni’amın kısmet iderken / El-minnetü li’llâh gamı ben çâkere düşdi
 g.89/6 Gülşende görüb kadd ü ruhuñ reşk u hayâdan / Güller kızarub lerze ten-i ‘ar’ara düşdi
 g.89/7 ‘Adnî bigi sa’d-ahter ü ferhûnde-zemândur / Şol dil ki bugün ol yüzi meh dilbere düşdi
 g.90/1 Gözüm görelî kâmet-i serv-i revânunı / Me’vâ idindi cân u göñül asitânunı
 g.90/2 Şimşâd ü lâleyi göricek yâd eylerem / Gül yüzünle kâmet-i serv-i revânunı
 g.90/3 Mâni’ olur kalem ucına târ-ı mû gelür / Yazmak diledüğümce sıfât-ı miyânunı
 g.90/4 Ey mûrg-i dil vatan kıl eşigini ol mehün / Tâ ki idesin felekde bugün âşiyânunı
 g.90/5 Şem’-i cemâline yakılır nice kim direm / Pervâne bigi ey dil oda yakma cânunı
 g.90/6 Ey viren ayagı tozını iki ‘âleme / Fark itmedün bu bey’de sûd u ziyânunı
 g.90/7 Ger suya bakmagile bilinseydi sırr-ı gayb / ‘Adnî bakub yüzüne bilürdi dehânuñı
 g.91/1 Yüzün bir nârdur âb akıdıcı / Lebün cân-ı mey-i nâb akıdıcı

g.91/2	N'ola dil berresin aldursa gamzeñ / Kim olur kanı kassâb akıdıcı
g.91/3	Yüzün gülzârıyıcün âb-ı çeşmüm / Olubdur misl-i dülâb akıdıcı
g.91/4	Hayâl-i la'l-i dür-pûşuñla oldı / Gözüm zer üzre sîm-âb akıdıcı
g.91/5	Dilâ gül-gonce bigi öldüriser / Seni ol nergîs-i hâb akıdıcı
g.91/6	Yüzün nûrı işigün ka'besine / Olubdur şeyhle şâb akıdıcı
g.91/7	Dil-i 'Adnî hevâ nârında oldı / Kebâb-ı germ-i hûn-âb akıdıcı
g.92/1	Boynuma zülfün salaldan halka-yı zencîrini / Âh kim unıtdı 'akl u cân u dil tedbirini
g.92/2	Leblerün cânlar bağışlar tıflken dâyeñ meger / Emzürürken âb-ı hayvâna karardı şîrini
g.92/3	Kana bulaşsun bu m'ıdı ben siperden umdugum / Kim dil ü cândan ideydi men' yârün tîrini
g.92/4	Gamzesin tîz eyler imiş cânum almaga gözün / Hak muvâfık eylesün tedbîrine takdîrini
g.92/5	Merdüm-i çeşmüm yakub cân micmerinde 'ûd-ı dil / Eylemek diler hayâlünle perî teshîrini
g.92/6	Zülfüne yüz virme kim başa çıkar hindû-durur / Hâl-i hod-bînün bigi ol dahı bilmez yirini
g.92/7	Öldüreliden yâr işiginde rakîbi kâfiri / Asdılar 'arş ayagında 'Adnî'nün şimşîrini
g.93/1	Yüzün dil bülbülünün gülsitânı / Boyuñ cân bağınuñ serv-i revânı
g.93/2	Güni ey meh yüzüne beñzedeydüm / Eger şekerden olaydı dehânı
g.93/3	Gam-ı dilberle cân virmek cihânda / Hemîn ola hayât-ı câvidânî
g.93/4	Dehânı râzını keşf itmedi hîç / Lebinden niçe kim sordum nihânî
g.93/5	Yüzüne öykünelden lâle-yi dehr / Oda yakdı düter dahı duhânı
g.93/6	İnanma zülfî peymânına ey dil / Kim anuñ bir başı var biñ zebânı
g.93/7	Kaşuñla kirpügüne öykünürmiş / Kazâya göreym tîr ü kemânı
g.93/8	Yüzüñi görmedin 'Adnî ölürse / Senün boynuñadur ey dost kanı
g.94/1	Dil-i âvâre yiler yıl bigi ârâm itmez / Terki-sevdâ-yı ser-i zülf-i dil ârâm itmez
g.94/2	Gice zülfini kamer tal'atına perde idüp / Gün mi var 'aşıkınuñ subhını kim şâm itmez
g.94/3	Cân dahı istese âsânıdı teslîm velî / Müşkil oldur dilegi neydügin i'lâm itmez
g.94/4	Lutf idem dimişidi durmadı peymânına âh / Ne günâh eyledüm ihsânına itmâm itmez
g.94/5	Göz karasıyla gönül zülfine tolaşa ne tañ / Her ki dîvâne ola fikr-i ser-encâm itmez
g.94/6	Hâr olup it bigi ta'zîm iderem müdde'îye / Dahı eydür ki başa 'izzet ü ikrâm itmez
g.94/7	'Adnîyâ gam yime cevriye helâk ide diyü / Bî-vefâyısa ne var kendüyi bed-nâm itmez
g.95/1	İreli cân kulağına senün 'ışkuñ nidâsından / Urub lebbeyk işügüne tâvaf eyler safâsından
g.95/2.	Perişân zülfüne özin meger kim misk beñzetmiş / Yüzi kara olub düşdi hıtâyâ ol hatâsından
g.95/3.	Seherde bülbüle sordum niçün efgân idersin dir / Niyâz iderem Allah'(a) rakîbün iftirâsından
g.95/4.	Mahallün iti incidür beni bilmezlüge urub / Ne müşkildür cefâ irmek kişiye âşnâlarından
g.95/5	Firâkuñ odı cânımı yakar rahm eylemez başa / Şehenşâha ne gam yansa fakîrün bûriyâsından
g.95/6	Senün 'aşkuñda cân fânî olursa gam degül şehâ / Bekâdur 'âşıka lezzet ne hattı var safâsından
g.95/7	'Aceb mi olsa ger 'Adnî cihân sultânlaruñ hânı / Çü düşdi üstine sâye senün 'aşkuñ hümâsından
g.96/1	Gül yüzünden ayru düşdüm gülsitânı n'eylerem / Sensüz ey ârâm-ı dil cân ü cîhânı n'eylerem
g.96/2	İşigünde mâcerâsın göñlümün 'arz itmege / Gözlerüm yaşından özge tercemânı n'eylerem
g.96/3	İki 'âlemde yüzünden gayre ger kıla nazar / Kana gark idüp gözümü bir gör anı n'eylerem
g.96/4	Leblerün yâdına cânâ dem-be-dem nûş itmege / Hûn-ı dil varken şarâb-ı erguvânı n'eylerem
g.96/5	Lâle-yi sahrâ nedür ey gülbin-i bostân-ı nâz / Gün yüzün olmazsa mâh-ı âsmânı n'eylerem
g.96/6	Cânı kurbân iderem didükçe dil sayd itmege / Gamze vü ebrû yiter tîr ü kemânı n'eylerem
g.96/7	'Adnî'nün bülbül bigi efgânıla zikri bu kim / Gül yüzüñsüz lâle-yi bâğ-ı cinânı n'eylerem